

諡賜大圓廣慧國師碑銘【篆額】

大日本國山城州天王山佛國禪寺開山諡賜大圓廣慧國師高泉敦老和尚碑銘并序

山川潤于百里者

天子必祭之而況雨于天下乎緇素負于一能者

聖代夫舍諸而況師于

聖主乎逮于少林氏

之宗入乎吾邦道副

人主德均太山而含氣有生之屬靡不霑潤

沐浴其沢者若隆蘭溪元無學寧一山等諸大老皆其人爾然後支葉絕信法道不振久之當於承応甲午

太上天皇降誕

之年大光國師隱元琦和尚折葦渤澥翔關槩門闔國仰之如大旱之望

雲霓輪下英靈星馳電驚唱道一方非不夥矣然而豎大法懂震大法雷樹大法雨超然莫愧乎古人者唯大圓廣慧國師而已師諱性

敦字高泉自号曇華道人福州福清東閣人族姓林父悟玄奉仏有耆德

母趙氏方震夢一僧來寄宿驚寤而誕甫六歲不茹葷羶七歲入鄉校諸典過目輒誦每見僧伽梵刹則眷恋不舍父陰異之偶與兄弟

誦書次各詢其志師獨願為僧父知其志不可奪心許之未幾父母同旬

而逝師深為哀痛即校于叔父無住宓公剪髮為驅烏而侍隱元和尚于黃檗隱與以本分草料自此發憤脇不沾席睡則大步經行或

以肩觸柱十九凡頂受具隱因上堂師直前問話全機旋轉如王走盤隱

為發哭時心盤即非二公嘆曰吾門千里駒也適隱老応聘東矣上足慧門沛公補其席命師典賓繼掌記室常者無夢無想主人公話

久之不決因問無夢夢想時必竟主人公在甚麼処慧曰遍界不曾藏師

當下領旨自是雖不疑言句稍覺機思不通快師侍次曰個事甚分明只是遭人借問無句可對慧驀面一掌曰是有句無句師不覺失

声曰從上諸祖天下老和尚元來總是白拈賊慧曰汝今日始督地時有

王太史素欽師德一日請箕仙紫雲洞何九真降真題詩以寄師又曰我與師紫雲旧交故作此寄懷耳師得詩以和箕仙陳無煙亦贈

以偈有向後移花待雪開之句一夕夢汎一木盆于海上將抵岸而忽聞

空中声曰此日本國也無何過隱老見招果與夢叶臨啓行承慧門沛公囑累蓋不背本也遂乘商舶東渡丞造太和乃寛文元年辛丑

也隱喜師至命掌衣孟雖百務蟬集曲尽孝誠内外雍肅暨于隱之退休

松堂就于黃檗之左而剏法苑深居簡出名徹

九重
後水尾院太上法皇勅製十牛頌師奉
勅上進

龍顏大悅賜以衣又值

所撰僧史
法皇八十聖誕師陞座以進提唱并
皇覽嘆曰顧禪師與
朕同寿爾後
優詔藉藉不絶人以為榮
興福一乘真敬親王者

法皇之聖子也一見如夙契特招師便殿虚心請益至機鋒相触脱然

有省遂執弟子之礼又有師徒亨雷州起廢寺於伏見而請師為開山衆檀裁力足助建蔚作宝構山曰天王寺曰佛國恭揭大圓覺三

大字蓋 法皇所賜山川改觀其他如奧甘露稱之仏日加之

明法皆迫衆望勉彊而往各請開法師力辭不允其謙遜大抵若斯元祿五年春 大元帥命為黃檗第五代始為因開堂舉行百丈叢規衲子至者無慮三千指尋開戒壇七衆求授者一萬餘指其盛也雖仏

鑿之住徑搗笑翁之莅靈隱曷以加焉既而調御之殿聖僧之堂至厨庫法堂門廊寮舍缺者完之壞者新之丹獲藻麗百廢具舉

太上天王慕師道譽頌降 聖詔師進法語數既奏對稱

旨 大元帥亦奏師德藹卓犖叢林即 勅俾披紫師望 闕上堂繼入東武以致謝 元帥特命登殿諮詢法要師応對簡

而明 元帥顧左右曰如師者実僧中宝也暨退賜以金帛是日幕下官 元帥俾托重臣堅留過夏且遣国医診之時列国侯伯護

員禪教耆德鉅儒博士同俱側聽莫不嘆服師偶感冒梅雨不安乞力回山 法縉紳宗門昆仲憧憧問疾日相旁午師応接如常然自知不可起丞趣

駕時京極甲牧就其采邑創興国禪寺請師為鼻祖仙台羽林亦割膏腴以充仏国香積至若遠出城外護送者滿陌盈衢甚有擁駕至

山者蓋其德浹洽于人若此既而還山遠近緇素爭先齎至如迎古仏唯

恐或後 太上天王屢降 詔慰問師起立謝恩少無倦色一日令左右扶起問答畢侍者請遺偈師堅却之索不已遂

書偈擲筆而逝実元祿乙亥十月十六日也經三日入龕唇紅手軟頰顏

如生遵治命從闍維法門弟子奉靈骨窆于仏國師世寿六十有三法藹四十有四有語録若干卷其餘如先雲集僧宝伝等凡一百餘

卷并行于世師平生謹許可嗣法者明誠巖等僅數人耳

太上天王追想遺德辱瀧 宸翰賜以今号師広頼秀目声音洪亮動止尊嚴加旃宏才博達下筆成章辟諸春入上林熙熙乎千

葩万卉自然鮮翠未嘗不応機托物以敷演真乘也性稟仁慈就之則温

如冬日之日至鞭笞衲子森起雲合無人得辨端倪也肇自東遊以暨戢化奉忠 先皇竭孝老祖編僧史修叢規扶宗樹教

興廢振弊奚翅抗烈功於宗門抑又大有裨於世教者也嗚呼往矣咸曰

師者末世光明幢宗說兼通福慧兩備唯所闕者寿考而已宜哉然而以余觀之師也未曾滅度蘇文忠不曰乎溪声広長舌山色清淨

身今茲師法子見住佛国道龍等具狀徵余銘于塔上想嘗 真敬親王

誘師於 大人前関白之第余亦預席共請示日用工夫師提起向上一着激切澎湃一片婆心書諸紳帶故不可辭直筆其大較俾後

之人以知 聖明師德其遭逢若斯之盛矣銘曰

偉哉辟宗 分派中峰 伝流日東 譬如膏雨 遍布区宇 以被草莽 卓爾英孫 提起砂盆 扶豎宗門 応機作略 如菓

刮膜 似鷗擊雀 禪餘適意 翰墨遊戲 靡不仏事 文彩已彰

名達廟堂 道副聖皇 一茎拈得 現一仏国 住大円覺 遴撰采膺 力挑祖燈 百廢具興 道風広覃 人天交參 僉称
優曇 化縁既終 而入真空 胡太忽忽 師無生滅 洪音不絶」
塵塵刹刹 親賜奎章 一段重光 照耀十方 牢堵岫嶙 勒以斯文 揭示万人 葉奕芳聯 不崩不燹 億万斯年」

宝永三年歲次丙戌十月乙酉朔庚子十六日

■ ■ ■ ■ ■ 藤原朝臣家熙撰并書